

Bosna i Hercegovina

BRČKO DISTRIKT

Bosne i Hercegovine

VLADA BRČKO DISTRIKTA

Odjeljenje - Odjel za obrazovanje



Босна и Херцеговина

БРЧКО ДИСТРИКТ

Босне и Херцеговине

ВЛАДА БРЧКО ДИСТРИКТА

Одјељење - Одјел за образовање

Bulevar Mira 1. 76100 Brčko Distrikt BiH
Telefon: 049 214 503. Faks: 049 214 503.

www.bdcentral.net
obrazovanje@bdcentral.net

Булевар Мира 1. 76100 Брчко Дистрикт БиХ
Телефон: 049 214 503. Факс: 049 214 503.

Broj predmeta: 37-001195/19
Broj akta: 08-1246ZB-003/21
Datum, 17.6.2021.. godine
Mjesto, Brčko

Na osnovu člana 22. Zakona o Vladi Brčko distrikta BiH – prečišćeni tekst (“Službeni glasnik Brčko distrikta BiH”, broj: 22/18, 48/18, 8/19, 10/19 i 32/19), člana 187. Zakona o upravnom postupku Brčko distrikta BiH – prečišćeni tekst („Službeni glasnik Brčko distrikta BiH broj: 48/11, 21/18, 23/19), a u skladu sa članom 14. stav (1) tačka e), članom 34. i 35. Zakona o visokom obrazovanju u Brčko distriktu BiH („Službeni glasnik Brčko distrikta BiH“, broj: 30/09, 29/18 i 16/20) i članom 17. Pravilnika o akreditaciji visokoškolskih ustanova i studijskih programa u Brčko distriktu BiH („Službeni glasnik Brčko distrikta BiH“, broj: 50/18 i 34/19), postupajući po zahtjevu visokoškolske ustanove Visoka škola računarstva i poslovnih komunikacija eMPIRICA u Brčko distriktu BiH broj: 01-01-133/15-007/19 od 13.12.2019. godine, a na osnovu Preporuke Agencije za razvoj visokog obrazovanja i osiguranje kvaliteta BiH broj: 05-33-1-229-36/20 od 2.6.2021. godine, šef Odjeljenja za obrazovanje Vlade Brčko distrikta BiH d o n o s i

R J E Š E N J E

O INSTITUCIONALNOJ AKREDITACIJI VISOKOŠKOLSKE USTANOVE VISOKA ŠKOLA RAČUNARSTVA I POSLOVNIH KOMUNIKACIJA eMPIRICA U BRČKO DISTRIKTU BOSNE I HERCEGOVINE

I.

Visokoškolskoj ustanovi Visoka škola računarstva i poslovnih komunikacija eMPIRICA u Brčko distriktu BiH dodjeljuje se institucionalna akreditacija.

II.

Rješenje o institucionalnoj akreditaciji izdaje se na period od (4) četiri godine.

III.

Obavezuje se visokoškolska ustanova Visoka škola računarstva i poslovnih komunikacija eMPIRICA u Brčko distriktu BiH da najkasnije (6) šest mjeseci prije isteka roka iz tačke II. ovog rješenja podnese zahtjev za institucionalnu reakreditaciju.

IV.

Rok iz tačke II. ovog Rješenja počinje da se računa od dana pravosnažnosti rješenja.

O b r a z l o ž e n j e

Visokoškolska ustanova Visoka škola računarstva i poslovnih komunikacija eMPIRICA u Brčko distriktu BiH podnijela je Odjeljenju za obrazovanje Vlade Brčko distrikta BiH zahtjev za

institucionalnu akreditaciju broj: 01-01-133/15-007/19 od 13.12.2019. godine. Podneseni zahtjev Odjeljenje za obrazovanje je zaprimilo pod brojem: 37-001195/19 od 13.12.2019. godine.

Aktom broj predmeta: 37-001267/13, broj akta: 07-1154SO-036/20 od 17.6.2020. godine Odjeljenje za obrazovanje je zaprimljeni zahtjev dostavilo Agenciji za razvoj visokog obrazovanja i osiguranje kvaliteta BiH sa prijedlogom za imenovanje Komisije stručnjaka za akreditaciju, na osnovu kojeg je Agencija donijela Rješenje o imenovanju Komisije stručnjaka za akreditaciju broj: 05-33-2-229-14/20 od 13.10.2020. godine kao i rješenje o izmjeni rješenja broj: 05-33-2-229-22/20 od 6.1.2021. godine.

Na osnovu Izvještaja i Mišljenja Komisije stručnjaka da visokoškolska ustanova Visoka škola računarstva i poslovnih komunikacija eMPIRICA u Brčko distriktu BiH ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH donijela je Preporuku o akreditaciji visokoškolske ustanove Visoka škola računarstva i poslovnih komunikacija eMPIRICA u Brčko distriktu BiH, broj: 05-33-1-229-36/20 od 2.6.2021. godine i istu dostavila na daljnje postupanje Odjeljenju za obrazovanje Vlade Brčko distrikta BiH.

Analizirajući Izvještaj i Mišljenje Komisije stručnjaka za akreditaciju, kao i Preporuku Agencije za razvoj visokog obrazovanja i osiguranje kvaliteta BiH, Odjeljenje za obrazovanje Vlade Brčko distrikta BiH cijeni da su ispunjeni svi propisani uslovi za izdavanje institucionalne akreditacije podnositelju zahtjeva, te donosi odluku kao u dispozitivu.

Po jedan primjerak ovog rješenja dostavlja se visokoškolskoj ustanovi Visoka škola računarstva i poslovnih komunikacija eMPIRICA u Brčko distriktu BiH i Agenciji za razvoj visokog obrazovanja i osiguranje kvaliteta BiH u cilju preduzimanja radnji i mjera propisanih Okvirnim zakonom o visokom obrazovanju u BiH, Zakonom o visokom obrazovanju u Brčko distriktu BiH i Pravilnikom o akreditaciji visokoškolskih ustanova i studijskih programa u Brčko distriktu BiH.

U skladu sa svim gore navedenim, postupljeno je kao u dispozitivu ovog Rješenja.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor u roku od 30 dana od dana dostavljanja Rješenja.

DOSTAVLJENO:

1. Visokoj školi računarstva i poslovnih komunikacija eMPIRICA u Brčko distriktu BiH,
2. Agenciji za razvoj visokog obrazovanja i osiguranje kvaliteta BiH,
3. Odjeljenju za obrazovanje 2x,
4. Evidenciji 2x,
5. Arhivi.

